



SLUŽBENE NOVINE

KANTONA SARAJEVO

Godina XXIX - Broj 16

Četvrtak, 25. 4. 2024. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 4. stav (1) alineja 1. i člana 10. Zakona o kontroli cijena ("Službene novine Federacije BiH", broj 2/95 i 70/08), a u skladu sa Zaključkom Vlade Federacije Bosne i Hercegovine broj 17/23 od 12.12.2023. godine Vlada Kantona Sarajevo, na 20. sjednici održanoj 15.04.2024. godine, donijela je

ODLUKU

O DOPUNI ODLUKE O MJERAMA NEPOSREDNE KONTROLE CIJENA ODREĐENIH PROIZVODA OD INTERESA ZA KANTON SARAJEVO, UTVRĐIVANJEM MARŽI

I

U Odluci o mjerama neposredne kontrole cijena određenih proizvoda od interesa za Kanton Sarajevo, utvrđivanjem marži ("Službene novine Kantona Sarajevo", broj 38/07 i 40/08) iza tačke V. dodaje se nova tačka Va. koja glasi:

"Va.

Odredbe tačaka II i III ove odluke se ne primjenjuju do 16.06.2024. godine."

II

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-22998-4/24
15. aprila 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo" broj 36/14 - Novi prečišćeni tekst i 37/14 - Ispravka) i člana 34. stav (3) Zakona o obrazovanju odraslih ("Službene novine Kantona Sarajevo" broj 40/15, 40/20) Vlada Kantona Sarajevo, na 20. sjednici održanoj 15.04.2024. godine, donijela je

ODLUKU

O UPLATI SREDSTAVA OSNIVAČA ZA POTREBE TROŠKOVA VOĐENJA POSTUPKA OSNIVANJA OD FAZE PODNOŠENJA ZAHTJEVA DO OKONČANJA POSTUPKA PO ZAHTJEVU I VISINI NAKNADE ZA ODOBRAVANJE REALIZIRANJA PROGRAMA OBRAZOVANJA ODRASLIH PO ZAHTJEVU PRAVNOG SUBJEKTA REGISTRIRANOG ZA DJELATNOST OBRAZOVANJA ODRASLIH

I

Utvrđuju se novčani iznosi koje su obavezni uplaćivati osnivači institucija za obrazovanje odraslih, na Depozitni račun Budžeta Kantona Sarajevo-Budžetska organizacija Ministarstva za odgoj i obrazovanje Kantona Sarajevo-vlastiti prihodi, za potrebe troškova vođenja postupka od faze podnošenja zahtjeva do okončanja postupka po zahtjevu u iznosima kako slijedi:

Osnivanje institucije za obrazovanje odraslih	3.000,00 KM;
Odobranje realiziranja jednog programa obrazovanja odraslih po zahtjevu pravnog subjekta registriranog za djelatnost obrazovanja odraslih	1.000,00 KM;
Izmjena i dopuna akreditovanog programa obrazovanja odraslih	500,00 KM.

II

Sredstva iz tačke I ove odluke za osnovne i srednje škole kao javne ustanove planira i osigurava Ministarstvo za odgoj i obrazovanje Kantona Sarajevo u Budžetu Kantona Sarajevo-Budžetska organizacija Ministarstva za odgoj i obrazovanje.

III

Stupanjem na snagu ove odluke prestaje da važi Odluka o uplati sredstava osnivača za potrebe troškova vođenja postupka osnivanja od faze podnošenja zahtjeva do okončanja postupka po zahtjevu i visini naknade za odobranje realiziranja programa obrazovanja odraslih po zahtjevu pravnog subjekta registriranog za djelatnost obrazovanja odraslih ("Službene novine Kantona Sarajevo", broj 5/16).

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-22998-6/24

15. aprila 2024. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 72., 73. i 74. Zakona o srednjem obrazovanju ("Službene novine Kantona Sarajevo", broj 23/17, 30/19 i 33/21) Vlada Kantona Sarajevo, na 20. sjednici održanoj 15.04.2024. godine, donijela je

ODLUKU**O KRITERIJIMA ZA UPIS UČENIKA U PRVI RAZRED
SREDNJIH ŠKOLA KANTONA SARAJEVO****I Opće odredbe**

Član 1.

(Pravo upisa u prvi razred srednjih škola)

- (1) Pravo upisa u prvi razred srednje škole u statusu redovnog učenika imaju kandidati sa završenom osnovnom školom, koji nisu stariji od 18 godina, odnosno koji do kraja tekuće godine ne navršavaju 18 godina života.
- (2) Pravo upisa u prvi razred srednje škole za učenike s teškoćama u razvoju imaju kandidati koji pored ostalih uslova, ispunjavaju uslov da do kraja tekuće godine ne navršavaju 22 godine života.
- (3) Terminološko korištenje ženskog ili muškog roda u ovoj odluci podrazumijeva oba roda.

Član 2.

(Plan upisa i prijava kandidata)

- (1) Srednje škole vrše upis učenika u prvi razred u skladu sa Planom upisa učenika u srednje škole kao javne ustanove Kantona Sarajevo, koji na prijedlog Ministarstva za odgoj i obrazovanje Kantona Sarajevo (u daljem tekstu: Ministarstvo), donosi Vlada Kantona Sarajevo (u daljem tekstu: Vlada).
- (2) Ministarstvo je dužno, prilikom izrade Plana upisa učenika iz stava (1) ovog člana, konsultovati Javnu ustanovu "Služba za zapošljavanje Kantona Sarajevo", Udruženje poslodavaca Kantona Sarajevo i Privrednu komoru Kantona Sarajevo, te vršiti redovne analize o kretanjima na tržištu rada u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo i Ministarstvom privrede Kantona Sarajevo.
- (3) Izmjene i dopune, odnosno proširenje Plana upisa iz stava (1) i (2) ovog člana može odobriti samo Vlada, osim za privatne srednje škole, Javnu ustanovu Gazi Husrevbegova medresa i Katolički školski centar (Opća-realna gimnazija i Srednja medicinska škola), čiju odluku donosi osnivač, a u skladu s kriterijima iz ove odluke i Pedagoškim standardima i normativima za srednje obrazovanje ("Službene novine Kantona Sarajevo", broj 23/04, 27/08, 45/20, 7/21, 20/22 i 23/23).
- (4) Prijava i upis kandidata u prvi razred srednjih škola provodi se isključivo putem Informacionog sistema EMIS, kroz on-line upis.
- (5) Prijava i upis kandidata u prvi razred Javne ustanove Gazi Husrevbegova medresa i Katoličkog školskog centra (Opća-realna gimnazija i Srednja medicinska škola) provodi se kombinirano: dio putem Informacionog sistema EMIS, a dio po posebnim kriterijima koje donosi osnivač škole.

- (6) Prijava i upis kandidata u prvi razred srednjih škola/centra za učenike s teškoćama u razvoju provodi se putem Informacionog sistema EMIS ili dostavljanjem dokumentacije direktno u školi, odnosno centru.
- (7) U konkursnom roku kandidat može izabrati najviše tri programa obrazovanja/ zanimanja/smjera, u jednoj ili više škola.
- (8) Tokom konkursnog roka kandidatima će biti omogućena najmanje dva perioda za promjenu izbora programa obrazovanja/zanimanja/smjera iz stava (7) ovog člana.
- (9) Rang-lista svih kandidata primljenih u prvi razred objavljuje se putem Informacionog sistema EMIS, kao i na oglasnoj tabli i internet stranici srednje škole.

Član 3.

(Uslovi za upis)

Upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljanke i lica bez državljanstva u skladu sa Zakonom o srednjem obrazovanju ("Službene novine Kantona Sarajevo", br. 23/17, 30/19 i 33/21).

Član 4.

(Konkurs)

- (1) Izbor kandidata za upis u srednju školu vrši se na osnovu ove odluke koja uključuje javne i privatne škole, a sastavni je dio konkursa za upis učenika u prvi razred srednjih škola i obavezno reguliše žalbeni postupak.
- (2) Prvi konkurs za upis učenika u prvi razred srednjih škola kao javnih ustanova u Kantonu Sarajevo objavljuje se na internet stranici Ministarstva, a obavijest o raspisanom konkursu u jednom dnevnom listu, najkasnije dva mjeseca prije početka naredne školske godine i otvoren je najmanje sedam radnih dana.
- (3) Prvi konkurs za upis učenika u prvi razred privatnih srednjih škola u Kantonu Sarajevo objavljuje se na internet stranici Ministarstva, istog dana kada i konkurs iz stava (2) ovog člana, a najkasnije dva mjeseca prije početka naredne školske godine i otvoren je najmanje sedam radnih dana.
- (4) Ministarstvo raspisuje drugi konkurs za upis učenika u prvi razred za srednje škole kao javne ustanove koje ne popune planirana mjesta u prvom konkursnom roku, u skladu sa Planom upisa iz člana 2. ove odluke.
- (5) Konkurs iz stava (4) ovog člana objavljuje se na internet stranici Ministarstva, a obavijest o raspisanom konkursu u jednom dnevnom listu najkasnije 15 dana prije početka školske godine i otvoren je najmanje tri radna dana.

Član 5.

(Dodatni uslovi za upis u umjetničku školu/gimnaziju - sportsko izbornu područje)

- (1) Kandidati koji konkurišu u umjetničke škole, odnosno u gimnaziju-sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.
- (2) Uvjet za pristupanje prijemnom ispitu odnosno testu fizičke sposobnosti iz stava (1) ovog člana je da je kandidat tokom prethodnog školovanja ostvario minimum bodova potrebnih za upis u umjetničku školu/gimnaziju u skladu sa članom 15. st. (5) i (10) ove odluke.
- (3) Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i internet stranici tih škola.
- (4) Program za polaganje prijemnog ispita u srednjoj umjetničkoj školi i srednjoj muzičkoj školi se odvija u skladu sa nastavnim planom i programom za te škole.